

**SAVJET GRADONAČELNIKA ZA
LOKALNI EKONOMSKI RAZVOJ**

Broj: 1/15

Tuzla, 04.12.2015. godine

Z A P I S N I K

sa I sastanka Savjeta Gradonačelnika za lokalni ekonomski razvoj

Sastanak je održan dana 04.12.2015. godine u Tuzli, u službenim prostorijama Grada Tuzla.

Prisutni:

Jasmin Imamović, Gradonačelnik Grada Tuzla,
Omer Delalić, „Deling“ d.o.o. Tuzla,
Čičkušić Suad, „Hidrofleks“ d.o.o. Tuzla,
Huremović Dinka, Udruženje „Bosper“,
Sertić Senja, „Xella BH“ d.o.o. Tuzla,
Odobašić Zlata, Udruženje „Nerda“,
Alić Mensur, „Menprom“ d.o.o. Tuzla,
Jovičić Slađana, Udruženje obrtnika Tuzla,
Ajdaslić Okanović Amira, „Bosit Industri“ d.o.o. Tuzla,
Halilčević Hasan, JU Elektrotehnička škola Tuzla,
Teskeredžić Emir, JU Mašinska škola Tuzla,
Omerčević Sead, „Babilon“ d.o.o. Tuzla,
Martić Robert, JP „Bit centar“ d.o.o. Tuzla,
Nišić Muris, JP „RPC Lipnica“ d.o.o. Tuzla,
Hodžić Kadrija, Univerzitet Tuzla,
Pezić Amel, „Alpamm“ d.o.o. Tuzla,
Osmanović Jasmin, „Importal Diffusion“ d.o.o. Tuzla,
Bečić Asim, „Golden Tours“ d.o.o. Tuzla,
Lakić Vedran, Grad Tuzla,
Mekić Bahto, Grad Tuzla,
Spahić Esmir, Grad Tuzla i
Žigić Jusuf, Grad Tuzla

Sastanak je počeo u 14,30 sati, uvodnim izlaganjem Gradonačelnika Jasmina Imamovića, koji istakao značaj Savjeta za LER, te predložio sljedeći dnevni red:

1. Predstavljanje novoformiranog Savjeta, funkciju, način rada i djelovanja Savjeta
2. Prezentiranje dosadašnjih aktivnosti i rezultata na unapređenju lokalnog ekonomskog razvoja
3. Upoznavanje sa aktivnostima na izgradnji Poslovne zone Kreka-sjever u Tuzli
4. Prijedlozi inicijativa, mjera i preporuka članova Savjeta za LER za unapređenje poslovnog ambijenta u Gradu Tuzla
5. Razmatranje planiranih aktivnosti LER-a u narednom periodu

Nakon što je jednoglasno usvojen predloženi dnevni red pristupilo se radu po tački 1. kojom prilikom su se predstavili svi prisutni članovi Savjeta za LER.

Pod tačkom 2. Esmir Spahić iz Grada Tuzla iznio je dosadašnje aktivnosti Grada Tuzla na unapređenju lokalno ekonomskog razvoja, kojom prilikom je istakao program aktivnih mjera zapošljavanja, po kojem je sufinansirano zapošljavanje 40 radnika u proizvodnim djelatnostima, Projekat izgradnje Poslovne izgradnje „Kreka sjever“, koji je u toku, kao i

inicijativu za izmjenu Zakona o stvarnim pravima u cilju omogućavanja prodaje i davanja prava građenja pod povoljnijim uslovima, odnosno ispod tržišne cijene za proizvodne pogone koji zapošljavaju veći broj radnika.

Tom prilikom navedenu inicijativu o izmjeni Zakona detaljnije je obazložio Gradonačelnik, sa naznakom da je istu dostavio Premijeru Federacije BiH.

Povodom ove tačke za riječ se javio Alić Mensur, koji je pozdravio osnivanje ovog Savjeta, te istakao cijenu građevinskog zemljišta koja je u Tuzli velika, a što je njemu poznato na vlastitom iskustvo, jer gradi novi pogon za preradu mesa. Ističe da je cijena zemljišta limitirajući faktor za poduzetnike. Dobre vijesti koje je saznao danas jeste da je Aerodrom Tuzla dobio dozvolu za kargo letove, što omogućava prevoz roba sa ovog Kantona, a druga vijest je odluka vlade FBiH o subvencijama za nova zapošljavanja tako da je Alić podnio zahtjev za subvencije za 30 novozaposlenih radnika.

Kadrija Hodžić, prof. dr sa Ekonomskog fakulteta u Tuzli ističe potrebu za korištenje napuštenih objekata u privredne svrhe. Učestvovao je u izradi dokumenta na kantonalnom nivou koji razrađuje ovu problematiku. To će dostaviti ovom Savjetu. Navodi da je zemljište sve rjeđi resurs pa predlaže davanje građevinskog zemljišta pod koncesiju na duži period i do 100 godina. Smatra da je ovo bolji način od prodaje zemljišta.

U vezi ove tačke riječ je tražio Omerčević Sead direktor „Babilona“ d.o.o. Tuzla, koji je istakao da treba iznaći mogućnost uvezivanja bankarskog sektora za izgradnju poslovnih objekata u Poslovnoj zoni, kako bi mogli obezbjediti što povoljnije kamate za kredite, te bi trebalo oformiti grupu koja bi obavila pregovore sa finansijerima.

Pod tačkom 3. Spahić Esmir je iznio sve pokazatelje u vezi projekta Poslovne zone „Kreka-sjever“ pomoću dizajnirane prezentacije u Power Pointu i u 3D projekciji.

U raspravi po ovoj tački dnevnog reda Delić Omer „Deling“ d.o.o. Tuzla je istakao potrebu za jakom trafostanicom, jer iz iskustva zna da Elektrodistribucija ne uradi trafostanicu potrebne snage, a u konkretnom slučaju trafostanica treba da bude snage 2X8 megavata, ili 2X16 megavata.

Bahto Mekić – Grad Tuzla je istakao da prilikom izgradnje Poslovne zone ne zna se koje firme će obzirom na proceduru (licitaciju) dobiti na korištenje zemljište. Kada je obavljen razgovor sa Elektrodistribucijom njihovi stručnjaci su nam rekli da će instalirati trafostanicu od jedan megavat za početak, a postoji mogućnost i za ječi kapacitet.

Na upite članova Savjeta za LER na koji način i pod kojim uslovima će se davati građevinsko zemljište, Alić Mensur „Menprom“ d.o.o. Tuzla je istakao da je Koordinacioni tim za izgradnju Poslovne zone Kreka-sjever uradio radnu verziju Odluke o dodjeli zemljišta. Ista će kada bude prošla kolegij Gradonačelnika biti dostavljena članovima Savjeta za LER, koji će dati svoje sugestije prije usvajanja na Gradskom vijeću.

Nakon završene rasprave po ovoj tački dnevnog reda Gradonačelnik je predložio da se izabere predsjednik i podpredsjednik Savjeta za LER, te za predsjednika predložio Omerčević Seada direktora „Babilon“ d.o.o. Tuzla, po zanimanju dr ekonomskih nauka, a radi se o mladom uspješnom privredniku. Za zamjenika predsjednika Savjeta za LER predložen je Delić Omer vlasnik i direktor „Deling“ d.o.o. Tuzla, radi se o uspješnom privredniku.

Nakon što su predloženi prihvatili kandidaturu, članovi Savjeta su jednoglasno podržali ovaj prijedlog.

Svim članovima Savjeta za LER dostavljen je prijedlog Poslovnika o radu SLERA-a Grada Tuzla, da isti razmotre i da se na slijedećem sastanku isti usvoji.

Sastanak završen u 16.30 sati

Zapisničar
Žigić Jusuf